



Rapreschantaziuns in societats anonimas – decisiun da princip

La suprastanza cumünala ha trattà e reglà fundamentalmaing las rapreschantaziuns dal Cumün da Zernez in societats anonimas, cha'l cumün es participà ed ha approvà la decisiun da princip.

Cumischiun da fabrica da la chasa da scoula - regulaziun da competenzas finanzialas

Per pussibilitar a la cumischiun da fabrica da la chasa da scoula ün agir pragmatic ed üna lavur efficianta e transparenta e per pudair proseguir cul proget da sanaziun ed ingrondimaint chasa da scoula a Zernez, sun gnüdas regladas las competenzas finanzialas extraordinariamaing per quista cumischiun. L'agir es gnü approvà.

Sanaziun ed ingrondimaint chasa da scoula Zernez- surdatta planisaziun specialists

Per pudair cuntinuar cul proget sanaziun ed ingrondimaint da la chasa da scoula a Zernez ha la suprastanza surdat las lavurs da planisaziun a las seguaintas firmas specialisadas: indschegner da construcziun a Jon Andrea Könz, Zernez; planisader electric a Scherler AG, Cuoira; indschegner da tecnica d'edifizis a S. Collenberg & Co. a San Murezzan; fisiker da construcziun a Kuster + Partner AG, San Murezzan.

Reglamaint davart las contribuziuns per la cultura e las societats

Id es gnü approvà il reglamaint davart las contribuziuns per la cultura e las societats chi aintra in vigur retroactiv pels 1. schner 2019. Quist reglamaint rimplazza tuot ils reglamaints, uordens e ledschas da fin qua chi pertoccan e reglan davart las contribuziuns per la cultura e las societats.

Reglamaint per l'adöver da localitats cumünalas

Il reglamaint per l'adöver da localitats cumünalas, chi aintra in vigur retroactiv pels 1. schner 2019, es gnü acconsenti da la suprastanza cumünala. Tal rimplazza tuot ils reglamaints, uordens e ledschas da fin qua chi pertoccan e reglan l'adöver da localitats cumünalas.

Consultaziun da la revisiun da la ledscha regard la flexibilisaziun da las finanzas (GrFlex)

Ils cumüns dal Grischun sun gnüts invidats da consultar la revisiun da la ledscha regard la flexibilisaziun da las finanzas. La posiziun preparada dals respunsabels dal cumün es gnüda approvada per tilla rinviar a l'uffizi chantunal.

Scoula cumünala – elecziun mainascoula

Sün proposta dal cussagl da scoula ha la suprastanza cumünala confermà l'elecziun da Yannic Gross sco nouv mainascoula. El frequainta pel mumaint – e finischa in ün on – la scolaziun da mainascoula. Yannic Gross es impiegà daspö ils 1. avuost 2015 sco magister secundar illa scoula a Zernez e surpiglia a partir da l'on da scoula 2019/2020 quista nouv'incumbenza. Il mainascoula actual Jon Candrian as vuol retrar sülla fin da l'on da scoula 2018/2019 da quist'incumbenza e's preparar per la pensiun.

Centrala da s-chodamaint – dumonda d'attach

La suprastanza ha approvà ün'ulteriura dumonda d'ün possessur d'edifizis in Cul per tachar vi dal s-chodamaint da chalur central cumünal.

Avis champester per l'on 2019

Daspö la fusiun ha la suprastanza cumünala relaschà ün avis champester chi regla tanter oter il scumond d'ir aint la prada. Las datas per quist on da l'avis champester sco eir las datas da l'avertüra da las vias champestras e da god vegnan publichadas a temp ütil sülla pagina d'internet e süil sistem d'infuormaziun digital dal Cumün da Zernez.

Agrischa 2019 a Zernez – dumonda da credit

Ils respunsabels da l'Agrischa han fat la dumonda da sustgnair quista gronda occurrenza chi ha lö als 27 e 28 avrigl 2019 a Zernez. La dumonda es gnüda approvada.

Proget Mountainbike TRAI(L)S VALS - rapreschantant i'l comitè directiv

La suprastanza cumünala propuona l'elecziun da Stefan Bühler, sco suprastant respunsabel per l'infrastructura, sco rapreschantant dal Cumün da Zernez i'l comitè directiv dal proget Mountainbike TRAI(L)S VALS.

Büro electoral dals 19 mai 2019

La suprastanza ha elet il büro electoral per las votaziuns dals 19 mai 2019. Al büro electoral fan part: Emil Müller sco president, Stefan Bühler, Martina Peretti e Corsin Scandella sco actuar.